

第七十冊

卷一百二十一

庶政考一

卷一百二十二

庶政考二

新纂雲南通志

盧漢題



卷之十

卷之十

卷之十

卷之十

卷之十

新纂雲南通志

盧維

卷



新纂雲南通志卷一百二十一目錄

庶政考一

全省文武官職之遞嬗一

兩漢

刺史 牧 從事

郡守 丞 長史 功曹 從事

郡尉

縣令 丞 尉

學官

鹽官 鐵官

三國蜀漢

牧 刺史 從事

太守 府丞

都督

晉

都督

刺史

郡守

都尉

治中 從事 功曹

縣令 尉

裨將

宋

都督

刺史

郡守丞等

縣令等

齊

都督

北郡縣

都尉校尉

梁

刺史

郡史縣

北魏

都督

北周

都督

刺史

總管

隋

總管

刺史

唐

諸使

都督

刺史補太守補巡官

縣令大興

郎將官

元

行御史臺

肅政廉訪司

行中書省補

宣慰司

都元帥府同

宣撫司同

安撫司

招討司

諸路萬戶府

儒學提舉司

運轉司

諸路總管府

散府

諸州

諸縣

權稅官

撫治大理

雲南諸路規措所

雲南行樞密院

庶政考一

其言學執謂方志當別爲三書掌故其一也其言曰掌故者通志附  
考之核實也蓋司馬遷撰天官河渠禮樂平準諸篇皆體類大義類  
其精英自成一家之言使善讀者可挹而致也至於樞密院掌故之書  
不暇求備故於樞密書贊曰建置之事則有司在蓋指收攬朝儀轉信  
軍法肅何律令張蒼章程之屬掌故具存史官不可以累體要也  
班固書志不及錄錄名數道故然也當時惜無劉歆杜預其人則  
輒請司馬遷自爲一代成憲與史相輔而行故使後天顧輩千百年  
後徵於前且以爲兩策會要誠不免於挂一而漏萬矣自唐宋以後  
正史之外皆有典政會要以爲之輔故其編至明世而益詳蓋方志

兵部

兵部尚書府

兵部司

兵部司

兵部司

兵部司

兵部司

兵部司

兵部司

兵部司

雲南計議所

新纂雲南通志卷一百二十一

庶政考一

昔章學誠謂方志當別爲三書掌故其一也其言曰掌故者通志諸考之核實也昔司馬遷撰天官河渠禮樂平準諸篇皆總擷大意掇其精英自成一家之言使善讀者可挹而致也至於簿書器數之詳不暇求備故於禮書贊曰籩豆之事則有司存蓋指叔孫朝儀韓信軍法蕭何律令張蒼章程之屬掌故具存史官不可以累體要也馬班八書十志不及簿錄名數道故然也當時惜無劉秩杜佑其人刪輯諸司職掌自爲一代成憲與史相輔而行故使徐天麟輩千百年後掇拾補苴以爲兩漢會要誠不免於挂一而漏萬矣自唐宋以後正史之外皆有典故會要以爲之輔故典籍至後世而益詳也方志

諸家則猶合史氏文裁與官司案牘混而爲一文士欲掇菁華嫌其蕪累有司欲求故事又恐不詳陸機所謂離之則雙美合之則兩傷也惟於志文之外別爲掌故一書則例義清而體要得矣章氏之意善矣而未盡也何者通志裒集地方之掌故於自然地理而外繼之以經濟地理並及於政治軍學制度誠非臚列簿書猶夫米鹽醬菜之登錄簿而已是宜別擇其體制有同於會典會要然亦不必與方志別爲兩書茲輯庶政考於官制鄉飲孝廉方正廕襲戶籍保甲以及清末警察諮議局之沿革詳乎言之而於軍制學制等則別爲考以符體例云

全省文武官職之遞嬗一

兩漢

刺史牧從事

秦置監察御史漢興省之至惠帝三年遣御史監三輔郡所察凡九條監者二歲更之其後諸州復置監察御史文帝十三年乃遣丞相

史出刺並督監察御史

鄭樵通志職官略

武帝元封五年初置部刺史掌奉詔條秩六百石員十三人成帝綏和元年更名牧秩二千石哀帝建平二年復爲刺史元壽二年復爲

牧

漢書百官公卿表

建武十八年罷州牧置刺史

後漢書光武帝本紀

中平五年改刺史新置牧

後漢書靈帝本紀

諸州常以八月巡行所部郡國錄囚徒考殿最初歲盡詣京都奏事中興但因計吏皆有從事史假佐其功曹從事爲治中從事益州部

郡國十二續漢書百官志

郡守 丞 長史 功曹 從事

郡守秦官秦滅諸侯以其地爲郡置守丞尉各一人守治民丞佐之

尉典兵

馬端臨文獻通考

郡守掌治其郡秩二千石有丞邊郡又有長史掌兵馬秩皆六百石

漢書百官公卿表

中平二年秋七月更郡守爲太守

漢書景帝本紀

每郡置太守一人二千石丞一人郡當邊戍者丞爲長史

續漢書百官志

元帝時條州大小爲設吏員別駕治中從事諸郡從事秩六百石後

漢改曰別駕從事史

唐六典

王莽改太守曰大尹後漢重其任或以尙書令僕射出爲郡或自郡

守入爲三公

杜佑通典

功曹主選署功勞

續漢書百官志

凡郡國皆掌治民進賢勸功決訟檢姦嘗以春行所主縣論課殿最

歲盡遣吏上計并舉孝廉郡口二十萬舉一人

續漢書百官志

元鼎中定西南夷始置郡縣官

漢書武帝本紀

### 郡尉

郡尉掌佐守典武職甲卒秩比二千石

漢書百官公卿表

孟康曰郡尉都尉也師古曰本謂之郡尉

高帝紀註

中二年秋七月更郡尉爲都尉

漢書景帝本紀

武帝元鼎六年置犍爲越巂益州牂柯等郡屬國都尉掌諸官卒徒

武事秩比二千石

常璩華陽國志南中志

建武六年省諸郡都尉唯邊郡置都尉及屬國都尉

續漢書百官志

永平十二年置永昌郡罷益州西部都尉

後漢書明帝本紀

縣令 丞 尉

縣令長皆秦官掌治其縣萬戶以上爲令秩千石至六百石減萬戶爲長秩五百石至三百石皆有丞尉秩四百石至二百石是爲長史

漢書百官公卿表

大縣丞左右尉所謂命卿三人小縣一尉一丞命卿二人又三邊始

武帝所開縣戶數百或爲令

漢官儀

凡縣邑道令長皆掌治民顯善勸義禁姦罰惡理訟平賊恤民時務秋冬集課上計於所屬郡國凡縣主蠻夷曰道又丞署文書典知倉

獄尉主盜賊又各署諸曹掾史略如郡員

續漢書百官志

學官

武帝時天下郡國皆立學校官自文翁始

漢書文翁傳

元始三年夏立學官郡國曰學縣道侯邑國曰校校學置經師一人

鄉曰庠聚曰序序庠置孝經師一人

漢書平帝本紀

鹽官 鐵官

凡郡縣出鹽多者置鹽官主鹽稅出鐵多者置鐵官主鼓鑄

續漢書百官志

元封元年桑弘羊領大農幹天下鹽鐵請置大農部丞數十人分部

主郡國名往往置均輸鹽鐵官

續漢書食貨志

郡國鹽官鐵官本屬司農中興皆屬郡縣

續漢書百官志

案史記云秦時常頽畧通五尺道諸此國頗置吏是爲滇中置官

吏之始西南夷傳云元封二年西南夷舉國降請置吏入朝於是